

貴縣志卷十七

前事

月失考曰是年年次失考則但舉年號

秦

始皇三十三年丁亥立桂林郡

韋昭曰今鬱林是也

以今貴縣為郡治

參史記梁志

漢

元鼎六年庚午滅南越改桂林郡為鬱林郡治布山

參漢書府志

按布山縣治亦即鬱林郡治今縣南三里故城是也

元初三年丙辰正月蒼梧鬱林合浦蠻夷反叛二月遣侍御史任遠督

州郡兵討之

後漢書安帝紀

十一月蒼梧鬱林合浦蠻夷降

後漢書安帝紀

建寧三年庚戌九月鬱林烏潯民相率內屬

後漢書靈帝紀

鬱林太守谷永以恩信招降烏潯人十餘萬內屬皆受冠帶

貴縣志

卷十七 前事

五五六

開置七縣

後漢書南蠻傳

晉

泰始四年戊子

吳寶鼎三年

十月吳將顧容寇鬱林太守毛炅大破之斬其

交州刺史劉俊將軍修則

晉書武帝紀

七年辛卯

吳建衡三年

七月鬱林太守毛炅為吳將陶璜所執不屈死

後人立祠祀之

粵西文載

十年甲午

吳鳳皇三年

吳分鬱林為桂林郡

吳志孫皓傳

梁志原按通鑑愍帝建興三年遂執劉沈於小桂注云秦置桂林郡漢武帝改曰鬱林郡治布山桂林為縣屬焉吳孫皓鳳皇三年分立桂林郡因謂桂林為小桂此桂林當是桂林縣屬鬱林郡宋紹熙間貴州懷澤守陳昭嗣贈舉人詩云二十四年峯稱小桂山明水秀本從來

南北朝

宋元嘉二十三年丙戌司馬蕭景憲克林邑詔可持節督交廣州之鬱

林甯浦二郡諸軍事宋書夷蠻傳

宋泰始四年戊申前軍將軍東興縣侯吳喜除使持節督交州廣州之

鬱林甯浦二郡諸軍事宋書吳喜傳

齊隆昌元年甲戌蕭鸞廢昭業為鬱林王南齊書鬱林王紀

梁天監元年壬午荀斐為鬱林太守征俚賊為流矢所中死於陣南史荀

隋

開皇十年庚戌罷定州為尹州隋書

梁武帝以鬱林郡為桂州後割桂之鬱林甯浦二郡立定州後改南定州至是又改為尹州

唐

貴縣志 卷十七 前事

武德四年辛巳平蕭銑置南尹州總管府元和郡縣志

五年壬午夏四月隋鴻臚卿寧長真以寧越鬱林之地請降於李

靖通鑑

貞觀八年甲午改南尹州為貴州新唐書

顯慶五年庚申以河間王孝恭孫榮為鬱林縣侯唐書鬱林王傳

嗣聖元年甲申鬱林王恪子仁襲鬱林縣男唐書鬱林王傳

天寶元年壬午改貴州為懷澤郡新唐書

乾元元年戊戌懷澤郡復為貴州舊唐書地理志

貞元十年甲戌七月西原蠻叛八月陷欽橫潯貴四州唐書德宗紀

元和十二年丁酉容管經略使陽旻克欽橫潯貴四州唐書憲宗紀

五代

唐長興三年壬辰南漢大有五年漢主封子洪道為貴王五代史

府志原按十國春秋地理表貴州下注云高祖封子宏道爲貴王即此州

宋

太平興國二年丁丑十月命左衛大將軍李宗矩爲邕貴潯橫欽寶等

州都巡檢使畢續通鑑

皇祐四年壬辰四月廣源州蠻儂智高反五月乙巳朔陷橫貴等八州

宋史仁宗紀

府志原按畢沅續通鑑是年五月丙辰智高入貴州

十二月樞密副使王堯臣請析宜邕容州爲三路以融柳象隸

宜州白高寶雷化鬱林義藤梧龔瓊隸容州欽賓廉橫潯貴

隸邕州遇蠻入寇三路會支郡兵掩擊令經略安撫使守貴

州以統制焉宋史王堯臣傳

貴縣志

卷十七 前事

嶺外新經儂寇修營城障貴州虐用其人不能聊生提點廣

西刑獄朱壽隆馳詣州械守送獄奏黜之老稚婦女流轉不

能自還者檄所在資送其還宋史朱壽隆傳

按此事宋史本傳未載年月以壽隆官仁宗朝故附於此

乾道八年壬辰知貴州陳乂上疏言靖州事梁志紀故

淳熙六年己亥盜李接起陷容雷高化貴鬱林等州宋史吳獵傳

開慶元年己未十一月元兀良合台入交阯破橫山寨闢老蒼關徇宋

內地乘勝擊逐蹴貴州元史速不台傳

元

至元十四年丁丑宋景炎二年三月潭州行省遣使上言廣南西路慶遠鬱

林昭賀藤梧融賓柳象邕廉容貴潯皆降元史世祖紀

大德五年辛丑六月壬辰宋隆濟攻貴州知州張懷德戰死元史成宗紀

雲南行省右丞劉深征八百媳婦至貴州科夫致宋隆濟等
糾合諸蠻爲亂水東水西羅鬼諸蠻皆叛元史地理志

至正間峒賊攻貴州城粵西文載

明

洪武元年戊申五月廖永忠下梧州貴容鬱林諸州皆降明太祖紀

征南將軍廖永忠參將朱亮祖等既平廣東引兵至梧州境

元達魯花赤拜住率官吏父老迎降亮祖駐兵藤州於是潯

貴等州縣以次降附明史土司傳

正統十四年己巳按察司章聰奏徙南丹衛於賓州奉議衛於貴縣梁志

按洪武二年貴州降縣

成化元年乙酉左僉都御史韓雍治兵兩廣奏設貴縣北山巡檢司

景泰間大藤峽蠻侯大狗作亂嘯聚萬人殘破郡縣成化元

貴縣志

卷十七前事

五五九

年左僉都御史治兵兩廣十一月至潯州分左右軍十二月
生擒侯大狗峽在萬山中盤礴六百餘里以桂平大宣崇姜
里爲前庭以象州東鄉武宣北鄉爲後戶右有貴縣龍山左
有藤縣之五屯若兩臂然雍於是奏設武宣東鄉巡檢司以
土人李昇爲巡檢貴縣北山巡檢司以土人陸善正爲副巡
檢分駐要害詔如議府志藤峽始末

萬曆二十三年乙未五山叛亂副使楊寅秋等平之

參將白斯清以貴縣五山界於賓來遷武間背倚龍山卽所
稱藤峽右臂其山崇而袤爲八寨逋逃淵藪潛議雕剿而事
機不密幾釀大禍督撫二臣檄副使楊寅秋等以計破之餘

黨相率請降梁志府志引

崇禎間潯貴剗馬賊起休寧縣志

清

康熙三年甲辰捕韋太甯譚化春誅之

先是龍山五山韋奉朝水北韋日登各相仇殺其後九懷譚化龍化春梁萬鍾萬四肆行荼毒郭南數里爲鬱林賊梁士英士錫盤踞思籠郭西里爲韋金甯太甯兄弟瓜分始則陳邦傳之摧殘中則李三元高興國之劫掠終則韋奉朝韋金甯之屠戮兵荒歲饑人民離散順治十三年始安集焉康熙三年太甯復抗殺五山守備劉洪爵乃捕太甯化春誅之明年周子建起九懷戕殺縣丞一作典史李芳紳捕役等數十人已而勦辦良善率多株累志府

十三年甲寅孫延齡附吳三桂梧州都司王邦相納款延齡據潯州韋國棟應於五山

貴縣志

卷十七

前事

五六〇

初十二年十一月吳三桂起兵雲南自稱天下都招討兵馬大元帥以明年爲周元年蓄髮易衣冠移檄遠近謂興明討虜數月之間據滇黔湘鄂川桂數省中原動搖時廣西將軍孫延齡附之稱安遠公傳檄各縣復漢官威儀邦相據潯州招結陳士龍周君道李梅友等納款延齡狼目韋國棟應於五山尋佔岑溪掠戎墟據府志

二十五年丙寅同知趙萃中把總李文忠進擊韋國機斬之

初孫延齡授韋金甯總兵其子國機國檉及韋九並授副將金甯死假子國棟襲職苛派民間三丁出兵一名馬匹自具違者輒死至是潯州府知府金世濟貴縣知縣楊燦上聞巡撫吳興祚密檄萃中文忠進擊之斬國機撫國棟韋九已而復叛尋捕國棟韋九錮於獄久之越獄逸去爲仇家所殲據府志

乾隆五十四年己酉三月兩廣總督福安康至貴縣受督篆

初安南內訌黎維祁斂關乞援兩廣總督孫士毅督師出關長驅深入不匝月克復安南國都清廷宣詔封維祁爲安南國王尋詔士毅撤兵還已而阮惠集兵截擾士毅退鎮南關乃命福安康爲兩廣總督迅赴鎮南關接理福安康至貴縣受督篆

據府志修

嘉慶二十四年己卯知縣蔣慶錫開採龍頭六班三岔諸山銀鑛虛耗

鉅金旋停辦

據梁志修

道光間知縣王濟復招商開採三岔鑛山

於時招商試辦置委員監督鑛徒紛集越二年採鑛中輟游民徧山谷率勇悍無家室遂踞山以私採爲業

據梁志修

十九年己亥洪秀全馮雲山至貴縣龍山與石達開倡上帝會

貴縣志

卷十七 前事

五六一

秀全廣東花縣人與同邑馮雲山由粵入桂先至博白繼來貴縣龍山與奇石那幫村石達開倡上帝會鑛徒多附之秀全雲山復往來平南鵬化山後至桂平紫荆之鵬隘山

參府志訪冊

是年知縣楊曾惠盜賣倉穀

曾惠前知縣事以庸劣著迨復任隨來京客招搖過市京客者蓋貸金牟利之流也曾惠盜賣歷年倉穀以償私債又日催科勒索不事緝捕有解賊至署者賊已釋放而解賊者尙押候查糧由是匪風日熾

據梁志修

二十年庚子東賊鍾阿春楊撈家夜劫蘿蔔灣阜誠典庫飽掠而去

府志

二十一年辛丑東賊楊阿丙等劫越南貢舶於桂平石嘴河竄匿貴縣上石龍墟貴縣知縣聞寶桂勦之獲貢物以歸

阿丙偕楊阿辛關阿易等既劫貢舶竄匿上石龍墟金仙寺聚飲欲爲亂寶桂率兵由龍山趨石龍困賊寺中奮攻竟日擒阿丙阿辛等誅之乃歸所劫貢物

據府志修

二十七年丁未貴縣創辦團練設團總

府志

二十八年戊申東賊張嘉祥劫木梓墟大源浩源典庫

嘉祥一作家祥廣東高要人初至貴縣備於水源街全昌鹹貨肆性情喜游博尋辭出與其黨往石罅墟擄牛皮店楊榮利六歲兒楊以百金贖歸訴之縣知縣楊曾惠因循縱容不嚴拘捕嘉祥得漏網遂結欽州李自昌橫州謝江殿靈山蘇三相瓦塘徐阿雲等聚橫州大灘伏波廟勒索貨船打單村市滋擾無虛日是年嘉祥攻劫木梓墟大源浩源二典括取財物尋攻平依村鮑家未獲逞乃回橫州之博合墟豎旗招

貴縣志

卷十七 前事

五六二

匪肆行劫掠橫貴兩州縣申請南寧協副將盛鈞潯州府知

府顧元凱潯州協副將李殿元等督兵剿之

據府志修

二十九年己酉張嘉祥竄貴縣覃塘劫掠村市

府志

七月二十日嘉祥率匪千餘竄至覃塘墟張貼僞示糾匪入

夥八月初一日入桐嶺掠龔振家馬匹財物

參訪冊香山筆記

九月知府顧元凱副將李殿元盛鈞會勦張嘉祥不利遽招撫之縣屬盜賊蠡起

嘉祥由覃塘竄賓州甘塘參將段炳南禦之陣亡賊益猖獗一戰不利顧元凱等遽招撫之此風一開於是楊睿清起大墟黎特弟起五山湯西利起黃練鍾阿春起橋墟鄭廷輝譚特養起三里徐阿雲徐阿二邱二娘起瓦塘雷樹春黃阿左黃阿右黃阿石蘇十九張渣三等起木梓木格楊撈家起南

溪橋覃七大王老三起鍾村墟四出焚劫民不聊生大井頭王阿旺王星福王升高等挾制商肆富戶歛銀守街勾結巨寇盧阿相率賊艘二十餘泊城下指名勒索阿相既去又糾楊睿清以舞獅賽神爲名直入縣署參拜福德土神以示賊威時知縣蕭煊庸懦不振橋墟木格君子垌各匪復在瓦塘湛江諸處攻劫村市而大頭羊張釗大鯉魚田芳捲嘴狗麥二許十二等則或來城聚賭或勒索貨船烽火之警日夜不絕

據府志
梁志修

先是木梓督捕分府五山守備巡檢等官均居城溺於遊博防務廢弛各墟市賭館林立衙役市僧從中剝削民窮財盡盜風日滋遂釀嘉祥之亂

據梁志修

按張嘉祥招撫後易名國樑隨向榮躡太平軍至金陵官提

貴縣志

卷十七 前事

五六三

督咸豐十年三月在丹陽與太平軍戰負創死

是年橫州賊馬乘虎乘龍等劫掠懷西蘇村鄉練擊潰之

初乘虎乘龍於二十八年十二月攻山背村雙橋墟爲鄉練

拒退至是尋仇復至又擊走之

梁志

三十年庚戌立團練局於縣城以林逢春羅慶章梁廉夫朱聯傑

李榮芳翁際泰董局務

梁志

是年徐阿雲等謀攻縣城知縣張汝瀛集團練擊敗之

團練部署甫定阿雲偕九江三等糾合賊黨奪民船將順流攻縣城把總林奇桂惶恐無措遽赴瓦塘乞和賊膽愈張知縣張汝瀛急籌防禦檄團練四千守城會商船三艘泊城下略備礮械卽令橫江堵截初更時賊前隊船至鯉魚港口練勇呼聲震天商船疊發巨礮連斃賊黨並殪執旗賊一賊遂

棄船陸遁軍聲大震尋獲阿雲鍾阿春劉阿生並通賊書役
陳芝湯德盧振等誅之參府志

是年土來啟釁來人合鑛徒赴金田梁志

四月洪秀全馮雲山石達開起兵於桂平金田

金田桂平紫荆山麓小村也秀全等初樹旗集黨得一百三十餘人再事糾合亦僅三百餘人會貴縣鑛徒及來人三千餘人附之又合博白教徒數百人秀全等聲勢乃振府志

按太平天國革命史及平定粵匪紀略均謂六月起兵誤

七月石達開歸龍山奇石招集徒衆千餘人十三日取道六烏

山口赴白沙桂平貴縣交界屯焉立轅門開爐鑄礮尋趨紫荆山與

洪秀全合參梁志

咸豐元年辛亥劉成康等結黨萬餘攻覃塘據之

貴縣志 卷十七 前事

五六四

初成康與黃阿左黃阿右徐阿二麥二邱二娘等詭稱爲北岸被逐農民遣人赴訴省吏已於五月初五日率匪萬餘攻據覃塘肆行焚劫發掘塚墓知縣張汝瀛調團練勦之都司蕭某率兵任前鋒皆敗退參府志

七月知縣張汝瀛督練攻勦劉成康斬之

賊大隊據江口村汝瀛調南岸團練守城而督郭東郭北練勇分兩路攻勦陣斬成康賊大敗阿左阿右竄君子垌麥二竄橫州灘頭全股殲滅二娘遁走參府志

七月十九日洪秀全在紫荆山茶地以前軍主將蕭朝貴左軍主將石達開爲前路進搗永安參府志

閏八月初一日午夜洪秀全等拔永安建號太平天國以是年爲太平天國元年辛亥改爲辛開封石達開爲翼王參府志

是年知縣張汝瀛令龍山武舉覃安邦發石達開祖墓碎骨揚灰梁志

二年壬子二月太平天國左軍主將翼王石達開密檄鑛工馳援永安

太平軍拔永安尋被清軍圍攻互六月至是達開密檄貴縣鑛工千餘人馳援之二月十五日太平軍突圍出北趨桂林參梁志
永安志

五月水匪任文炳據縣城肆劫竄走

初文炳率匪艘二百餘由潯州上趨貴縣官紳聞警建立水陸礮臺以鐵鎖橫江南岸練勇撥守渡冲橋北岸練勇調駐思灣十二日賊船揚帆擁至練勇礮折其檣賊少卻會東風大起奸細縱火山脚練丁乘機搶掠官民驚走賊遂入據縣

貴縣志

卷十七前事

五六五

城括取財物焚毀商肆民居十八十九日往劫山邊山肚二村團練敗之二十日匪艘盡退尋竄梧州全股覆沒參梁志

三年癸丑知縣李嘉年改立團練局於縣城木舖街以李棣榜朱聯傑林良昉鄧秉賢陳熙等董局務府志

三月張阿琛倡復義堂於瓦塘

阿琛橋墟人與君子垌黃阿斗蘇十九劉阿所糾合三千餘人號復義堂湛江謝九附之竄擾鬱林興業北流阿琛尋被格斃餘黨潰散府志

是年邱二娘率黨三千餘攻桂平武平里敗歸尋爲團練截擊殲之

二娘橋墟人年三十許素販鬻糖果市上夫邱二嗜鴉片二娘傾心綠林所爲遂揭竿聚衆出境劫掠每裹頭督戰悍賊

甘受鞭撻不稍抗元年與黃阿左阿右共據覃塘至是攻桂平武平里不下潰退貴縣已而竄龍山團練拒之又竄石龍會龍山團練猝至中礮落馬死

參府志
梁志

是年黃鼎鳳據覃塘

鼎鳳回據覃塘設壯丁館石龍劉阿璉李阿花四附之

據府志修

四年甲寅知縣李嘉年擊敗周阿糠

初阿糠據街墟尾其黨周有康傷斃至是乃結合魏公進黃阿願周道油等與李阿昆大李同弟李二和十五李阿現十九三路攻城嘉年率卸典史周濤署典史谷昌齡把總黃國興出禦山脚之敵突至兵練奮擊敗之阿糠等亦潰退

參府志
梁志

按梁志紀事謂是役在五年又謂在四年今從府志編入四年

貴縣志

卷十七 前事

五六六

七月周阿糠李阿昆等入縣城結盟集會

初一日阿糠阿昆等百餘人突入縣城焚毀勇目何阿社住宅知縣李嘉年率勇追躡阿糠毀其輿翌日嘉年召集橋墟練勇將剿之紳士何錫袞爲之緩頰遂償輿而罷越十餘日阿糠糾結廣東馮二來城又暗通縣署壯勇及九江艇賊關二等於是結盟集會殆徧城市

參府志
梁志

八月馮二入縣城繳收縣印知縣李嘉年棄城遁

馮二黃全義王星福湯聘三等密謀起事攻取縣城初三日李同弟殺縣役大羊三投尸江中初五日黎明山脚守衛練丁無故自退於是東津何三石龍梁超覃塘黃鼎鳳石罈黃千總狗山脚阿獅三阿道六陳白等各率黨來城馮二乘馬入衙逼知縣李嘉年繳交縣印張貼告示初六日按戶派捐

初七日開大館於永隆典庫收商富銀物用縣署刑具初八日添設分館黃祖喜六號洪傑堂李富七號洪志堂五山巡檢劉裕琨號洪天堂各集黨徒以應洪軍太平軍時人亦稱紅軍紅帶紅旗填塞街巷十六日紳士黃慶蕃李棣榜設立公局招致黃全義王星福梁超李二和等陽爲勇目守街陰集黨羽往襲潯州以抗清兵知縣李嘉年棄城遁三里參府志湯聘三縣城人庠生道光二十七年初倡團練聘三任團總潛圖反清復城後被執臨刑猶囑家人殮時勿薙髮云據梁志是年趙洪黃鼎鳳馮二攻潯州不克

初趙洪結三合會於桂平以反清復明爲號召是年合鼎鳳馮二等攻潯州暗結城中同會營兵傅晚等爲內應勇目何貞密啟潯州知府劉體舒預設伏以待洪不知也急攻小南

貴縣志

卷十七 前事

五六七

門體舒偕副將和勒賡額守陴內應不敢發洪等遂敗鼎鳳

馮二退貴縣據府志

是年馮三相倡洪家會於北山里中團村據梁志

六年丙辰林逢春陳璠等赴南寧乞師知縣李嘉年復其棄城

初團紳四品封職林逢春同知職銜林廷宣廩生陳璠倡議復城集金充饗廷宣璠赴橫州請兵不應遂趨南寧乞師於左江鎮總兵色克精阿五月色克精阿督兵至貴駐西山知縣李嘉年自三里墟來會用廷宣璠計招撫據城之黃阿訓六五月初六日色克精阿嘉年督隊入城初七日奉巡撫勞崇光令殺五山巡檢劉裕琨尋攻東山村不下罰供軍需撤兵回參府志

裕琨四川人年二十五任五山巡檢嗜遊博以穢事與嘉年

有睚眦怨咸豐四年城陷裕琨倡設洪天堂與洪軍同情使人稱己曰大哥至是嘉年實其事上聞於巡撫勞崇光論死

據梁志修

九月十二日陳開李文茂梁培友據縣城黃全義黃鼎鳳附之開廣東佛山人與太平軍校尉劉麗川弟杜川起兵佛山蓄髮易服自爲軍師稱大王聚議榜曰洪順堂其軍亦稱太平軍而設官分職則與太平軍迥異據佛山衆號十萬太平四年與李文茂撲廣州不克趨肇慶入廣西率船千餘艘清軍稱之曰艇匪八月十七日據潯州九月十二日開文茂培友等率衆數萬至蘿蔔灣團練潰退開入縣城遺全義守登龍橋鼎鳳守覃塘並封授爵號

參南海志府志梁志

十三日黃全義等劫掠郭南湖根湖表國華等村姚學雍學

貴縣志

卷十七 前事

五六八

祖等堵禦戰死

梁志

十月十一日黃全義梁培友等劫掠郭北里各村

黃全義梁培友李七等糾黨萬餘攻郭北里棉村鄉團力拒全義等潰退鄉團追擊至三堆嶺全義得援反撲之鄉團敗績黃茅護龍上龍等村皆遭蹂躪死居民及避亂者數百人

參訪冊稻香吟草紀亂篇跋語

二十二日黃全義等屠山邊山肚二村

初郭南三圖山邊團紳廩生譚仁增生譚丹書庠生李卓翹等內集村民築堡守禦外聯蒙垌團紳伍大用伍大文互爲聲援屢與全義抗戰全義敗走鄉團追擊至南江搗其營壘全義遁而免啣之糾合陳開李文茂等數萬人於十二日圍攻山邊山肚二村大文率練來援不敵潰退二十二日村破

全義屠之丹書力戰死仁父子三人相對泣曰甯死不辱賊手遂相率投崖觸石死是役也被害者六千餘人倖免者數十人

據梁志修

十二月黃鼎鳳等攻西山村屠之

西山村羣峯環繞儼然天險爲縣西巨鎮村民築堡聯團固守遠近居民多歸之十二月朔鼎鳳與黃全義陳開等率衆數萬環攻團紳楊步賢等督練守禦鏖戰四晝夜外絕援軍內無變志初四日村陷步賢率子姪巷戰歿於陣是役被屠殺者數千人

據梁志修

初六日黃鼎鳳等破汾水村屠之

初鼎鳳攻汾水村被擊走村民益以勇自雄常設伏要隘要奪糧械鼎鳳屢受挫結合陳開等萬餘人圍攻之歷六晝夜

貴縣志

卷十七 前事

五六九

村破全村死難者李陸鄔黃鍾凌吳韋樊九姓凡數百人

據梁志修

七年丁巳黃全義等擾龍山

五月初二日陸鼎嘉引全義率黨據龍山派單勒捐山花村抗之全義不敵敗歸縣城九月又糾王星福蒙富等攻龍山各村仍不得逞焚擄而去

據梁志

八年黃全義擾郭南里

八月全義劫掠郭南三里蒙垌嶺表嶺尾高嶺等村十月二十日攻山巷村爲鄉團擊退十二月復掠高嶺下村

據梁志

九年己未八月陳開北勒十擾山巷道平等村九月北勒十掠冷

梗埔波羅垌

據梁志

十一月太平天國電通軍主將翼王石達開回駐貴縣設翼王

府於水源街部衆數萬分隊數千尋取道武宣峒嶺回奇石墟參梁志訪冊

按府志載達開回貴縣係九年六月附註則謂十年四月均誤

十年庚申黃全義掠橋墟練長李鳳揚死之梁志

十一年辛酉二月石達開率軍赴橫州至博合墟繞道趨興業七月二十八日由興業過懷西一里尋赴思恩遺棄驢馬甚夥

據梁志修

七月陳開被執磔死

開之據潯州也建號曰大成稱鎮南王尋稱平潯王改潯州爲秀州府桂平永秀縣平南武城縣貴縣懷城縣鑄錢曰洪德通寶築郭外城二重爲固守計其黨分據貴縣平南武宣

貴縣志

卷十七前事

五七〇

象州柳州十年正月清軍破柳州十一年三月破武宣進逼潯州七月十四日開大敗於丹竹江遂棄潯州趨大墟附石達開時達開已赴橫州開折至大灘團紳陳璠賴聯桂陳乃機計擒之解潯州磔死據府志修

八月黃全義以城降參府志梁志

十一月清蔣益澧誅黃全義

全義一作存義南江人混名龍鬪二駕舟爲業聲如破鑼先是道光二十七八年間嘗與黃祖喜王星福等結盟集會咸豐四年八月與馮二星福等繳收縣印據縣城六年五月色克精阿李嘉年復城九月全義與黃鼎鳳結陳開攻城又據之開封全義威國公至是受撫尋以不力戰誅參府志梁志
十二月黃鼎鳳收陳開遺黨四萬餘人

初鼎鳳佯受招撫收陳開遺黨等四萬餘人羅華官周倉糠大口扒韋二蒙富王星福黃祖喜副爺發馬阿德黃六一黃阿烏二黃阿訓六黃阿娘葉阿狗葉石長黃三閏等各率其黨赴覃塘附之據梁志修

同治元年壬戌黃鼎鳳攻潯州不克

五月鼎鳳復佔縣城尋率衆五萬餘人進攻潯州清軍大挫鼎鳳前鋒進逼嶺頭舖距府城僅十里會清巡撫劉長佑援軍至鼎鳳遂敗七月退貴縣遣林漢朝守大墟龍巖蒙富康世平龔瘦六等守登龍橋餘黨屯覃塘小平天岐山等處屢與清軍鏖戰參府志梁志

八月清軍進窺貴縣

旺嶺棉村江口爲黃鼎鳳根據地清軍誘甘茂爲內應以次

貴縣志

卷十七 前事

五七一

收復遂進窺縣城據梁志修

九月林漢朝擊清軍却之

漢朝綽號單眼四武樂平塘村人鼎鳳悍黨扼守大墟龍巖以拒清軍入路清遊擊鄧在倫夏永寬窺大墟漢朝擊卻之清軍退屯鎮龍參府志梁志清司治二年上諭修

二年癸亥立團練局以馮會周作新羅銘勳林冠芳龔寅梁廉夫

董團務府志

正月清軍入大墟

二月清軍攻登龍橋大敗守備唐星照曹光勝死焉據府志修

三月黃鼎鳳襲橋墟據之據清同治二年上諭修

清軍屢攻登龍橋不下鼎鳳乃襲橋墟木梓木格及橫州之博合諸市至是鼎鳳遂據橋墟據府志修

四月清布政使劉坤一敗黃鼎鳳於橋墟

初鼎鳳據橋墟欲潛斷清軍東津歸路坤一偵知檄候選道易元泰驟攻橋墟鼎鳳猝出應戰肉搏竟日不敵敗走瓦塘黑夜北渡回郭西青雲村一宿尋屯覃塘人無鬪志登龍橋黨徒亦引退

據府志修

五月清軍復貴縣城克龍巖

坤一復貴縣城令候選道王承澤知府覃遠璣等率兵攻龍巖克之林漢朝及子鼎萌被執死

參府志清同治二年巡撫張凱嵩奏摺

七月清軍進攻覃塘黃鼎鳳退守小平天

北山一名平天山東爲大平天西爲小平天兩山峭絕僅一路可通富銀鑛且多良田鼎鳳稱建章王後營宮室小平天上軍師周錫齡又名竹岐撰堯天寶誥

梁志作堯天五典

馳檄遠近

貴縣志

卷十七 前事

五七二

至是退守之

參府志梁志

十一月清軍破覃塘

岐山青雲硃砂楊村李村燈盞窩六盧六班皆與平天寨相犄角清軍先後進佔是月初三日復破覃塘鼎鳳外援遂絕

據龔香山筆記

三年甲子四月劉坤一誘縛黃鼎鳳周竹岐等磔之

鼎鳳據覃塘以抗清軍互十有三年至是窮蹙爲坤一誘縛磔之軍師周竹岐懷城知縣黃慶蕃餘黨王星福等百餘人皆同時被執死鼎鳳二子二妾坤一駢戮之而釋其母妻以母妻素不善鼎鳳所爲也

參府志梁志

鼎鳳覃塘郭西里青雲村人乳名特旁綽號黃三幼傭羊乍村宋家司牧多力善搏性兇猛而貌寢已與鄰村有隙被控

走依張嘉祥至湖北遁歸主黃練墟黃有祿家時地方多故
三里譚特養朱十二屢擾覃塘鼎鳳積不能平與其黨譚富
昌言於衆謂彼在特養不敢犯咸豐二年回覃塘設壯丁館
練民團果兩敗特養於是附之者七十餘村太平軍略地出
長江清軍躡其後粵桂空虛陳開梁培友舉兵應之五年陳
開等由粵入桂至貴縣與鼎鳳合授鼎鳳將軍銜鼎鳳故受
汾水村挫辱而畏其強不敢尋仇因招培友等助攻歷六晝
夜村破屠之七年六月結謝秉彝破賓州知州翟景禧死焉
八月結李錦貴破上林知縣楊培塹又死焉於是計殺特養
盡有三里地逐梁阿油三併蒙公石龍自是聲勢益大開晉
爲隆國公陽受而陰違之十年攻思恩歸其黨周十二久蓄
異志密約阿油三黃全義朱十二等分五路攻之竟爲所敗

貴縣志

卷十七 前事

五七三

十一年清布政使蔣益澧收復潯州開被執死餘黨羅華官
周倉糠大口扒韋二蒙富王星福等四萬餘人相率歸覃塘
聽鼎鳳指揮同治元年鼎鳳進攻潯州會清巡撫劉長佑援
軍至鼎鳳敗於嶺頭鋪退歸令悍黨龔瘦六姚十來林漢朝
等扼守險要而自率隊攻橋墟木梓及橫州博合等處二年
鼎鳳稱建章王建置宮殿於小平天山巔五月過江攻橋墟
石撻堡與容縣范阿音軍相呼應尋敗歸固守覃塘初鼎鳳
有馬數千擁衆五萬清軍屢攻不下迨坤一收復縣城破覃
塘遂分兵取龍山斷鼎鳳後路自根竹以達覃塘掘壕築壘
圍逼小平天並置礮於大平天頂轟擊大寨時鼎鳳勢已窮
蹙坤一令總兵陳本志登寨喻以利害遂誘殺之

據府志

黃鼎鳳檄文

蓋聞以天下爲己任者乃爲王佐之才待文王而後興者必非豪傑之士取名

城以安閭里吾徒非嗜殺人樹義旗以解刀兵爾輩當知歸命溯自滿夷入主漢族蒙羞變我衣冠形容非舊屠我種類血跡猶新嗚呼億萬民痛哭號啼如失生身父母十八省分崩離析已成無主山河禍變初萌不能殺賊弭亂於未然而反殘民以長亂權奸密邇不能挫奸於伊始而反賞罪以容奸由此官無恥吏無廉專以自肥爲念將無才兵無勇不知民瘦堪虞本國公紫水狂夫懷城下士郭西起義曾思爲國而忘家江左從軍猶欲立功以報効奈梓里無敬賢之宰鞍馬徒勞戟門忘行賞之功旂常盡掩是以雄飛自奮卽興虓虎之師雌伏難安欲吐虹霓之氣旌旗輝日月可云雞犬不驚戎馬滿郊垆所過秋毫無犯茲值大兵蒞境恐爾紳耆人等不知進退罔識權宜或挈家屬以逃亡或誘鄉愚以抗拒試思鳩拙豈爲長策螳臂何可當車爲此曉喻俾衆周知爾等來尙可追往當莫咎果其簞食壺漿以相迎必使安居樂業而如故示文到日決在當機且識時務者爲俊傑同聲氣者相應求先民具有典型時彥可無昭鑒昔漢高創業蕭曹冠鵠立之班明祖開基劉李殿鷹揚之列方今滿虜昏庸獨夫肆虐賣官鬻爵賄賂公行附勢梯榮苞苴競進斯世之亂良有以夫本國公粗識兵機未嘗學問率爾多士以共功名鄉舉里選是所望於同人勸駕執鞭貴推誠於知己肫摯以聞腹心是佈須至檄者 采荆棘叢談

王星福縣城大井頭人黃全義悍黨全義死走覃塘附鼎鳳

貴縣志

卷十七 前事

五七四

曾守龍山

參府志
梁志

四年乙丑鼎鳳餘黨莫中滔黃祖喜等謀攻縣城尋擊潰之

鼎鳳餘黨莫中滔黃祖喜黃三奴黃阿流徐阿撈等與永淳

孫仁慶合謀再舉八月糾黨千餘人破山歸村將攻城知縣

薩畢圖乞援潯州知府覃遠璉率兵來縣集團合攻擊潰之

據梁
志修

十一月巡撫張凱嵩赴永淳剿孫仁慶道出貴縣改委林廷選

梁廉夫李恩祥等董團務

梁志

六年丁卯三月黃三奴覃特豪等據黃練知縣薩畢圖攻克之

三奴特豪黃祖喜六黃阿渣四等據黃練聚黨二千餘人圖

襲縣城知縣薩畢圖集團迅攻之克謝村□月進克黃練三

奴走雁塘山擒特豪黃阿渣四越數日□三奴皆斬之

據梁
志修

九年庚午知縣黃玉柱清丈田畝

縣屬亂後田園荒蕪賦額紊亂是年按里清丈田畝田在某里糧亦繫之縣屬田賦因有新額惟五山五里及北山里田未清丈賦額如故

據梁志修

光緒六年庚辰知縣何昭然倡議重修城池

以下新采

咸同間兵燹城基夷爲平地昭然倡議由各里按糧額抽捐重修縣城其後知縣李宗庚焦肇駿呂汝棠左秉堦孫乃誠等繼續興築至十八年城乃合口

十五年己丑巡撫馬丕瑤勸務蠶桑

丕瑤勸務蠶桑知縣孫乃誠創設蠶桑局於縣城關桑園於羅泊灣附近

二十年甲午重修縣志告成

貴縣志

卷十七 前事

五七五

十九年潯州府知府夏敬頤倡修潯州府志貴縣知縣王仁鍾邑紳梁吉祥陳芝誥請同時修縣志以存文獻於是敬頤仁鍾各捐俸助之吉祥任編纂陳芝誥梁瑞祥任協修逾年書成

二十二年丙申粵商陳慶昌等開採三岔銀礦

慶昌譚日章集資設華興公司開採三岔銀礦未幾虧折華僑張弼士繼之續增資本以機器開採惟管理不善糜費過鉅至二十四年停辦

二十四年戊戌股匪趙狩大寇大墟先鋒軍團勇擊潰之

陸川李立亭構亂連陷陸川北流諸縣縣人驚徙時梁吉祥辦理團務倡議守城乞援五月二十九日立亭黨目趙狩大率賊陷縣屬大墟提督蘇元春檄先鋒軍及知縣祿坤集團

馳勦三十日進擊匪潰散六月初二日午夜狩大遁至七里橋小江團勇李錦記擒獲解縣誅之

二十八年壬寅六月盜賊集會結盟劫掠四起

七月巡撫王之春委龔仁壽設立貴縣閤邑保團總局

時仁壽官藤縣教諭將滿秩之春持節撫桂赴任過梧仁壽由藤往謁具陳潯屬匪風披猖及勦撫策略之春因委仁壽回貴辦理團務八月仁壽與羅一清賴汝松黃祥光詹紀雲陳蕃禧林瑞徵余守仁楊壽嵩等設立貴縣閤邑保團總局購械募練分防緝捕匪風稍戢二十九年仁壽赴百色廳學正任團局改組以一清汝松董局務尋溫卓然羅藹吉梁澤楨傅作霖等繼之

十二月陳景華署縣事屠殺監犯一百一十八人

貴縣志

卷十七前事

五七六

景華廣東香山人性殘酷十二月十七日視事翌日即洗監凡繫獄者不問姓氏案由盡屠之

二十九年癸卯正月陳景華慘屠紅泥村

紅泥村瀕江有義渡樟木石龍蒙公往來縣城孔道也初縣衙親兵圍捕著匪趙觀福於蒙公觀福遁走獲其妾及贓物遂宿焉詰旦觀福糾黨八人潛至紅泥村威脅禁聲張設伏以伺親兵回至紅泥江渡將半匪狙擊之傷斃親兵四人匪亦遁去景華以是坐紅泥村皆匪發兵屠之且諭兵曰男必殺女則擄之財物恣所欲不汝曹咎也是役屠殺農民四十五人擄去婦孺三十五人房屋四百餘間悉爲灰燼

二月陳景華縱兵殺掠龍宋村

初黃嶺村韋三齡與龍宋村有隙三齡捏報龍宋村窩匪景

華遽令勦之慘殺農民數人擄去婦孺十六人焚毀房屋二十餘間逃亡餒死者三十餘人是役也景華率爾操筆硃諭覃塘團局率練會勦有男女老幼皆殺之語云

閏五月總督岑春煊逮治陳景華

春煊出巡桂境駐節潯州邑紳羅一清赴潯控景華暴妄貪縱越日邑紳龔仁壽繼至控景華屠殺紅泥龍宋等村春煊方察議間景華又擅殺春煊所遣武弁陸乾黃英全於貴縣事聞春煊震怒檄道員朱榮藻逮治之榮藻率隊溯江而上令仁壽一清偕邑紳羅藹吉回貴集團堵截隘口防景華私遁榮藻至逮繫景華解潯州鞠之初景華親兵多由招撫匪性難馴春煊令武弁陸乾黃英全密察各處匪情及招撫柳州匪陸阿發道經貴縣至七里橋親兵遇之怒其驕慢不讓

貴縣志

卷十七 前事

五七七

路且垂涎其行裝縛歸曰匪也景華訊之乾英全語侵景華景華暴怒不俟語畢槍擊英全斃之械繫乾餘怒未息又槍斃乾於獄並焚其文書以滅跡出語人曰乾先擊我我已斃

之或曰英全三里人衙役楊某訴英全爲匪景華率隊追至七里橋執二人以歸

六月解陳景華回貴對簿

景華控案纍纍由潯州解回貴縣檄朱榮藻按問之邑紳傅作霖陳念銓楊壽嵩等與景華對簿指證慘殺事實甚力景華語塞尋解回潯州繫於桂平縣署

八月總督岑春煊劾陳景華論死旨下景華先一日越獄遁春煊上疏劾景華草菅人命慘酷無人道請處以極刑旨下論死景華先一日越獄遁

按景華性嗜殺自謂日不殺人心不愉快捕獲男婦成羣驅

赴刑場恆有不問姓氏即戮之者邑人綽號之曰陳不問署
縣事半年慘殺男子婦孺凡二千餘人其縱兵殺人於村野
間者尤不可勝計

十一月保團總局局紳羅一清龔仁壽等擬具條陳請整頓衙
役尋准飭縣遵行

光緒間衙役橫行或藉糧務朘削或假訟案敲詐濫用私刑
民不堪命一清等具狀上聞且條陳整頓辦法尋奉總督岑
春煊批准飭縣遵行勒石以垂久遠

三十年甲辰邑紳陳繼祖等倡建貴縣高等小學堂

初潯州知府彭言孝創立潯州學務公所委邑紳百色廳學
正龔仁壽任學董時檄各屬興辦學務問貴縣誰可任事者
仁壽以繼祖薦言孝遂以貴縣學務委之時士習守舊創興

貴縣志

卷十七 前事

五七八

新學事殊艱鉅繼祖毅然任之不避勞怨籌建貴縣高等小
學校舍越二年落成與其事者沈鍾祥溫卓然羅藹吉李峻
昂李峻寰陳松年陳蕃禧林瑞徵黃猷傅作霖楊壽嵩鄧邦
光蔡熙瑞姜獻書梁澤楨黃世洵黃祥英李抗羲陳瑞禧

三十三年丁未粵商葉恩等組振華公司開採平天山銀礦

初巡撫張鳴岐奏派道員劉士驥赴海外招徠華僑回國興
辦實業華僑葉恩粵人也經商美洲隨劉返國勘定平天山
礦區旋集資三百萬元設立振華公司開採平天山銀礦計
劃頗大電話馬路鐵橋樓房建設甚偉越三年股東內鬩遂
停辦

宣統三年辛亥設縣議事會參事會

先是知縣林枚奉令在城設自治講習所尋設貴縣地方自

治籌辦公所是年頒行城鎮鄉議事會城鎮鄉董事會暨鄉董鄉佐鄉選民會選舉各章程縣議事會參事會成立爲地方自治之始

九月十七日廣西宣布獨立貴縣從之

光宣間民族革命思潮瀰漫全國迨武昌起義巡撫沈秉堃布政使王芝祥遂於九月十七日宣布廣西獨立沈秉堃爲廣西都督王芝祥陸榮廷副之貴縣士民以清社旣屋漢族重光爭燃爆竹以表歡忱翦除辮髮氣象一新

民國

民國元年行新曆

四月二十四日防兵譁變劫掠縣城商店

第十七隊防軍約一百餘人駐防城廂勾結商團變亂劫掠

貴縣志

卷十七 前事

五七九

市肆知事王敬銘臨事伏匿叛兵尋被徐梁軍擊散之

三年十月四日股匪陳華廷等焚劫樟木墟

知事蔣航駐防軍管帶陳繡屏疏於緝捕股匪陳華廷葉海龍遂伺隙焚劫樟木墟擄男婦六十餘人市民死者十餘人踰年繡屏弋獲海龍解邕誅之

四年廣西弛賭禁縣境賭館林立全年賭餉萬餘元民國二十二年賭餉增至十萬餘元

五年知事萬武蒞任設妓館收捐

十年十月十四夜鄉團圍攻駐城粵軍不敵引退

粵軍楊坤如佔縣城騷擾甚覃塘樟木蒙公石龍三里各團局集合縣北鄉團萬餘人圍攻之少數綠林亦乘機蠢動粵軍焚燒街墟尾鄉團不敵引退

十四年三月二十五日貴興鬱汽車路通車

汽車路自縣南羅泊灣起經橋墟至興業九月自興業至鬱林段亦通車在縣境路線自羅泊灣至橋墟計長四十四里十七年四月二十三日股匪黎壽亭焚劫龍山墟

初匪首黎壽亭嘯聚牛角村附近山場猖獗日甚至是率黨焚劫龍山墟是日墟期趁墟男婦死者百餘人傷者二百餘人龍山團局及商店數十家悉遭焚毀

十九年軍興粵飛機炸毀城市損害無算

二月粵軍進逼南江我軍隔江而守粵飛機屢轟炸城市前後慘死軍民一百九十餘人房屋財產損失無算覃塘石龍樟木亦被轟炸樟木死四十餘人於時城廂居民遷徙殆盡未及半年五易縣長至七月戰事始息粵軍踞城

二十年設立蒼梧地方法院貴縣分庭

貴縣志

卷十七 前事

五八〇

審判事宜向屬縣署至是立蒼梧地方法院貴縣分庭爲縣屬司法獨立之始

四月粵軍驟退土匪紛起縣長歐仰羲蒞任卽整飭團防踰月匪首黎壽廷糾黨劫黃練墟附近耕牛黃練團局集團擊潰之殪壽廷

二十一年自治籌備委員會成立縣長歐仰羲爲委員長黃澄波爲副委員長清查戶口劃編區鄉鎮村街甲

二十二年各區鄉鎮公所先後成立

二十三年春興築貴桂汽車路八月貴縣段通車